



Q7132

朱丹溪先生著

病痰飲延葉
效因徧覽方

脈因證治

而外子和文多
載惟聞脈因
年而瘳後遂旁搜博採
此之乎且爾家自何爾其

翠琅玕館藏板

余自歸里後杜門不與世事接先太宜入病痰飲延葉眉壽治歷四年弗痊而眉壽謂爲痼疾難效因徧覽方

書頗會其旨揀方以治不一年而瘳後遂旁搜博採窮幽極渺而於長沙河開東垣子和丹溪諸書尤三致意焉竊嘗謂醫之有長沙時中之聖也而四家並峙猶清任和之各成其聖偏焉而至者也學不從此參究猶航斷港絕潢以望至於海也其能之乎但四家自河間東垣而外子和文多缺略未爲全書丹谿著作類出門人記載惟聞脈因證治一書簡而該約而盡學者循是而

脈因證治序

一翠琅玕館校刊

窺長沙如得其舩與楫浴而不止固自不可量也而流傳絕少歷三十年來獲一觀心常怏怏歲乙未客有持來示余欲廣諸同好亟請付梓不禁欣感交集以爲一綫靈光忽然湧現眞爲桑榆之幸因不辭而爲之序以弁其首

時

乾隆乙未仲夏吳趨繆遵義書於芝田山房

小引

嘗讀丹溪朱震亨諸集如痰証卒中陰虛發熱等門竊
嘆其入理懸河之論旃幪後世之功不勝縷述至脈因
證治二卷尤先生之卓見蓋醫者之於脈猶聽訟之於
情訟得其情則刑不妄措醫得其脈則方不混施凡因
之内外證之虛實治之緩急何獨非三指得之昌黎公
所謂善醫者不視人之肥瘠唯察其脈之病否而已故
必先求諸脈而因而證而治四者井然詎容廢一第脈
理玄通在乎神取舌難掉其形似學者譬入蜀之烏道

脈因證治

小引

二翠琅玕館校刊

羊腸往往望而裹足幾共視爲天下之畏途遂致六部
茫然適燕南指不過虛應故事以冀治之倖獲噫生民
不幸莫此爲甚先生蚤鑑于此而砥注透波特以脈字
領頭治字煞尾喚醒後之業是道者必當於指下猛透
一針庶不致心聾而受天人之交謫推是書也直與日
月俱明鬼神爭奧誠片箋片玉足爲萬世之法程而一
日不可離一字不可搖者也向非先生能具隻眼至若
是哉脫起張劉李於當時諒必如晦翁云吾且當避此
老三舍耳予家什襲已久先君子願公梨棗願有志未

逮不肖^望續成之自梓以還將見岐伯重興而先生且
不死矣未必非吾

聖天子化日光天之一助云

乾隆四十年歲次乙未孟秋日語溪後學湯望久來蘇

氏謹識

脈因證治 小引

三翠琅玕館校刊



丹溪朱氏脈因證治目錄

上卷

一 卒尸

二 痺

三 痿

四 痿

五 厥

六 傷寒

七大頭腫痛

附蝦蟇瘰

脈因證治

上目

一翠琅玕館校刊

八 霍亂

九 瘟病

十 傷暑

十一 瘧

十二 疸

十三 勞

勞極熱勞瘵

十四 熱

十五 吐衄下血

十六 下痢

十七泄

十八自汗頭汗

十九淋 附小便不禁腎臟風

二十頭目痛 附腦痛眉骨痛

二十一眩運

二十二心腹痛

二十三腰痛 附腰膝腫痛腰軟

二十四肩背痛 附腰脾痛

二十五脇痛 附身體痛

脈因證治 上目

二十六逆痰嗽

二十七喘 附哮

丹溪朱氏脈因證治卷上

一卒口

脈寸口沈大而滑沈則爲實滑則爲氣實氣相搏厥氣入臟則死入腑則愈唇青身冷爲入臟死身和汗自出爲入腑則愈 緊而急者爲遁口 少陰不至腎氣衰少精血爲尸厥 跌陽脈不出脾不上下身冷硬 呼之不應脈絕者死 脈當大反小者死

證治在外者可治入裏者死 血氣并走於上則爲厥

暴死素有痼疾新加卒病先治卒病 尸厥者昏不

脈因證治卷上

一翠琅玕館校刊

知人脈動如故開上焦心肺之陽自愈

尸厥脈動無氣氣閉靜而死也以

菖蒲屑內鼻兩孔中吹之令人以桂屑放舌下

又方 剔取左角髮方寸燒末酒和灌入喉立起

救卒死身熱者驗方

礬石半斤以水 斗五升煮消浸脚令沒踝蓋取

礬性收澹而斂其厥逆之氣

還魂湯 治卒死客忤死

麻黃三兩 杏仁八十箇 炙甘草一兩
去節 去皮尖

右三味水八升煮取三升去粗入薑汁少許令咽之蓋取辛甘通陽氣發越邪氣故也

救卒死目閉方

搗薤汁灌耳中妙或吹皂筴末於鼻中立效薤汁

辟邪安魂筴末取嚏開竅

救卒死張口反折方

灸手足兩爪後一十四壯飲以五毒諸膏散

外有中惡中氣中食等狀與卒尸相類須詳諦脈證而投之慎勿泛視誤人倉卒變通在神法難畢述

脈因證治卷上

二翠琅玕館校刊

二痺

脈寸口喘而堅痺在心 喘而浮痺在肺 長而左右

彈痺在肝 大而虛痺在脾 堅而大痺在腎

因風風為行痺風性善行 寒寒為痛痺寒主收引

濕濕為着痺濕本重滯 三氣致痺之原或外兼他

患有之若舍此而能痺未有也

證其合而為痺也以冬遇者骨痺春遇者筋痺夏遇者脈痺長夏遇者肌痺秋遇者皮痺久而不去內舍五

臟之合待舍其合難治矣

痺論中議痺乃三氣皆可客於五臟其風寒濕乘虛而客之故也筋痺不去內舍於肝皮痺不去內舍於肺肌痺不去內舍於脾脈痺不去內舍於心骨痺不去內舍於腎其客於心則煩心上氣喘乾恐噫厥脹是也 其客於肺使人煩滿而喘吐 其客於肝多飲數溲小腹痛如懷妊夜臥則驚 其客於脾四肢解墮發渴嘔沫上爲大塞 其客於腎善脹尻以代踵脊以代頭 其客於腸數飲而小便不得中氣喘爭時發殭洩夫大腸乃傳道之官爲沖和之氣三氣乘虛客之而和氣閉矣水道不通使糟粕不化故喘爭殭洩也 其客於胞小腹膀胱按之內痛若沃以湯小便澀上爲清涕夫三氣客於胞中則氣不能化出故胞滿而水道不通隨經出鼻竅 其客於血脈隨脈流通上下升降一身謂之周痺

華陀論痺乃邪氣合四時不正之氣感於臟腑所爲有

氣血筋肉骨之分 其氣痺者愁思喜怒過則氣結

於上久而不消則傷肺正氣衰邪氣勝留於上則胸

腹痛而不能食注於下則腰脚重而不能行貫於舌

脈因證治卷上

三翠琅玕館校刊

而不言遺於腹則不溺壅則痛流則麻右寸脈沈而遲濇者是也 其血痺者飲酒過多懷熱太甚或寒折於經絡或濕犯於營衛因而血搏漸成枯削失血之證左寸脈結而不流利是也 其肉痺者飲食不節肥美之爲肉不榮膚不澤則紋理疎二氣入之則四肢緩而不收持右關脈舉按皆無力而澀也 其筋痺者由叫怒無時行步奔急淫邪傷肝肝失其氣寒熱客之流入筋會使筋急而不舒左關脈弦急而數浮沈有力是也 其骨痺者乃嗜慾傷於腎氣內消而不能閉禁邪氣妄入脈遲則寒數則熱浮則風濡則濕滑則虛治法各隨其宜

脈因證治卷上

四翠琅玕館校刊

麻木餘辨 是風濕熱下陷入血分陰中陽氣不行其證合目則渾身麻亦有痰在血分痒者血不營肌膚

治附子湯 治風寒濕痺

附子

炮去皮臍

桂枝

白芍

甘草

茯苓

人參

各三錢

朮一兩

行痺加麻黃桂湯

痛痺加附子薑茯苓湯

胞痺

加四苓 腸痺加平胃菜菔草肉豆蔻等

戴人法苦劑湧寒痰次與痰劑使 白朮 除濕

茯苓 養腎水 桂代木 薑 附寒勝加

麻木方 參 助陽道歸行陰 生甘草 去熱 蒼 藜

白朮 苓 除濕熱 升麻 柴胡 白芍 痰加二

陳

忍冬藤膏 治五痺拘攣

三瘧 卽瘧也

脈太陽發熱脈反沈細難愈 太陽症備脈沈遲此

脈因證治卷上 五翠琅玕館校刊

爲瘧 寸口脈直上下行伏緊緊如弦 沈弦沈

緊 少陰脈緊暴微 者欲解

因血氣內虛四氣外襲 因濕諸瘧項強皆屬於濕

一寒濕同性故濕可傷太陽

三因論狀身熱足寒頭強項急惡寒時頭熱面赤目赤

脈獨頭搖動卒噤角弓反張皆因血虛筋無所養邪

因入之故寒則緊縮熱則弛張風則弦急濕則脹緩

又有因瘡口未合風入之爲破傷風濕入之爲破傷

濕與瘧同但少頭項急餘並相如

又有因汗下過多

又有產後怒氣致此病者 項強亦有痰者

證有汗而不惡寒名柔痙 無汗口噤脚攣名剛痙

治宜流濕祛風緩表而安 詳有無汗而藥之

柔痙葛根加桂湯 剛痙大承氣湯 葛根湯汗之

有表證可用 大承氣下之有裏證可用

四痿

脈浮而大浮虛大熱 滑而大滑痰大虛 洪而緩洪

熱緩虛

脈因證治卷上

六翠琅玕館校刊

因腎水不能勝心火火上爍肺金六葉皆焦皮毛虛弱
急而薄着者則生痿躄皆因貪慾好色之故濕痰亦
能爲之

經論有由悲哀太甚陽氣內動數洩血大經空虛熱起

於心病則樞紐如折不相提挈名曰脈痿

有思想無窮入房太甚宗筋弛縱熱入於肝病則筋

急而爪枯名曰筋痿

有由濕地以水爲事熱生於脾病則胃乾而渴肌肉

不仁名曰肉痿

有因遠行勞倦遇大熱而渴陽氣內乏熱舍於腎病則腰脊不舉骨枯而髓減名曰骨痿然此皆熱薰於肺之爲也火上炎肺治節不行而痿蹙矣證面黃身熱肌瘦往來寒熱涎嗽喘滿面浮弱而不用者爲痿外有痿卽軟風也

柔風脚弱病同而證各異

治法獨取陽明陽明者胃脈也五臟六腑之海主潤宗筋宗筋主束骨而利機關也故陽明虛而然

張以黃連解毒湯加歸等劑治之

脈因證治卷上

七翠琅軒館校刊

李以甘寒瀉火苦寒瀉濕熱四君子補陽明虛清暑益氣治之 濕痿之爲病宜二陳湯加朮苓藥治之

清暑益氣湯 治熱傷肺氣虛成痿

芪一錢汗少減半暑邪千 參救火 朮各半 蒼朮一錢

除衛身熱自汗甘溫補之 益氣三錢 歸三錢 升麻一錢酒潤甘平 葛二錢

陳皮半錢 澤瀉半錢 曲半錢消食去痞 五味九分酸寒

麥門冬三錢 青皮二錢 蘗三錢補水瀉熱 或加知母黃芩

健步丸 治濕熱成痿

羌活 防風 柴胡 滑石 炙甘草 蘗酒洗各半

兩澤瀉五錢防己酒製一兩川烏苦參酒洗肉桂一錢愈風

湯下

秘方氣虛四君子加蒼白朮苓藜 痰加竹瀝血
虛四物湯 濕痰二陳湯加蒼白朮苓藜竹瀝下

補陰丸

一論瘡痍乃腎虛也舌不語腎脈夾舌本腎氣厥不至
足不行腎氣不順

五厥

脈沈微而不數謂之寒厥 沈伏而數謂之熱厥

脈因證治卷上

八翠琅玕館校刊

因因虛 因痰 因熱 因寒

證厥當分二種次分五臟 寒厥為手足寒也陰氣勝

則寒其由乃恃壯縱慾於秋冬之間則陽奪於內精

氣下溢邪氣上行陽衰精竭陰獨行故為寒厥 熱

厥為手足熱也陽氣勝則熱其由乃醉飽入房氣聚

於脾胃陰虛陽氣入則胃不和胃不和則精竭精氣

竭則四肢不榮酒氣與穀氣相搏則內熱而溺赤腎

氣衰陽獨勝故為熱厥

五心煩熱 有小腸熱者 有心虛而熱者

厥 亦有腹暴滿不知人者 或一二日稍知人者
或卒然衰亂者 皆因邪氣亂陽氣逆是少陰腎
脈不至也腎氣衰少精氣奔逸使風促迫上入胃膈
宗氣反結心下陽氣退下熱歸股腹與陰相助令人
不仁又五絡皆會於身五絡俱絕則令人身脈俱動
而形體皆無所知其狀如尸故曰尸厥正由臟氣相
形或與外邪相忤則氣鬱不行閉於經絡諸脈伏匿
昏不知人

厥有痰如曳鋸聲在咽中爲痰厥 骨枯爪痛爲骨

脈因證治卷上

九翠琅玕館校刊

厥 身直如椽爲骭厥 因醉而得爲酒厥 暴怒
而得爲氣厥 手足搐搦爲風厥 喘而狂走爲陽
明厥 此皆氣逆之所爲也

治李法痰用白朮竹瀝熱用承氣下之氣虛補氣四君
子血虛補血四物

張法降心火益腎水通血和氣必先涌之

六傷寒

脈陽浮而陰弱謂之傷風邪在六經俱強加之風傷陽
故浮虛陽浮衛中風也陰弱營氣弱也

浮緊而無汗謂之傷寒寒傷營營實則衛虛寒傷陰
故堅牢陽緊邪在上焦主欲嘔陰緊邪在下焦必欲
利

脈浮頭項痛腰脊強病在太陽 脈長身熱目痛鼻
乾病在陽明 脈弦胸脇痛而耳聾病在少陽脈俱
沈口燥舌乾邪在少陰 脈俱微緩煩滿囊縮邪在
厥陰 脈俱沈細噎乾腹滿邪在太陰 脈陰陽俱
盛重感於寒而緊漕變為溫瘧陰陽俱盛傷寒之脈
前病熱未已後寒復盛也 脈陽浮滑陰濡弱更遇

脈因證治卷上

十翠琅玕館校刊

於風乘變為風溫陽浮而滑陰濡而弱皆風脈也前
熱未歇風來乘熱 脈陽洪數陰實大遇濕熱兩合
變為溫毒洪數實大皆兩熱相合 脈陽濡陰弱而
陰弦緊更遇溫氣變為溫疫

病發熱脈沈而細表得太陽名曰瘧 病太陽身熱
疼脈微弱弦芤名曰中暍 病若發汗已身灼然熱
名曰風溫風溫為病脈陰陽俱浮自汗出身重多眠
睡鼾語難以小便不利更被其下若被火者微發黃色
劇者則驚癇時瘳擬若火薰則死矣 病太陽關節

疼痛而煩脈沈細名曰濕痺 脈沈細而疾身冷則

四肢冷煩燥不欲飲水狂悶名曰陽厥 脈當有神

不問數極遲敗當中有力卽有神焉神者血氣之先

傷寒熱甚脈浮大者生沉小者死已汗沈小者生

浮大者死 溫病二三日體熱腹滿頭痛飲食如故

脈直而疾者八日死 溫病八九日頭身不痛目不

赤色不變而 反利脈來牒牒按之不彈手時大心

下堅十七日死 溫病四五日頭痛腹滿而吐脈來

細強十二日死 溫病汗不出出不至足者死 厥

脈因證治卷上

十二翠琅玕館校刊

汗出腎脈強急者生虛緩者死 溫病下痢腹中痛

甚者死 熱病七八日不汗燥狂口舌暴燥焦黑脈

反細弱或代者死 八日以上反大熱死邪勝故也

熱病七八日當汗反下脈絕者死 熱病得汗脈

躁者死脈轉大者死 厥逆呼之不應脈絕者死

陽厥有力者生陰厥按之大者生 熱病七八日脈

不躁喘不數後二日中有汗不汗者四日死 熱病

脈濇小疾腹滿脹身熱不得大小便死 熱病脈

浮大絕喘而短氣大衄不止腹中疼死 熱病脈浮

洪腸鳴腹滿四肢清注泄死 熱病脈絕動疾便血

奪形肉身熱甚死 熱病脈小疾咳喘眩悸奪形肉

身熱死 熱病腹脹便血脈大時時小絕汗出而喘

口乾視不見者死 熱病脈轉小身熱甚死 熱病

脈轉小身熱甚欬而便血目陷妄言循衣縫躁擾不

臥死 熱病嘔血咳煩滿身黃腹鼓脹洩不止脈

絕死 熱病瘵癎狂走不能食腹滿胸痛引腰脊嘔

血死 脈浮而洪邪氣勝也身體如油正氣脫也

喘而不休水漿不下胃氣盡也 體麻不仁營衛不

脈因證治卷上

上翠琅玕館校刊

行仁靜仁亂正邪爭也故爲命絕也 熱病喘欬唾

血手足腹腫面黃振慄不言名肺絕死丁日死後倣

此

熱病頭痛嘔宿汁漚逆吐血水漿不入口狂妄腹大

滿名脾絕死

熱病煩滿骨痛噎腫不可咽欲欬不能欬歌笑而哭

名心絕死

熱病僵臥足不安地嘔血血妄行遺尿溺名肝絕死

熱病喘悸吐逆骨痛短氣目視不明汗如珠名腎絕

死

太陽病脈反躁盛是陰陽交死得汗脈靜者生 少

陰病惡寒而踈下利手足逆者死又吐利躁逆者死

少陰病四逆惡寒而踈其脈不至不煩而躁者死

少陰病下利止而頭眩時時自冒者死 又七八

日息高者死 少陰病脈微沈細但欲臥汗出不煩

自欲吐五六日自利煩躁不得臥寐者死 若利止

惡寒而踈手足溫者可活 少陰病下利止厥逆無

脈不煩服湯藥其脈暴出者死微續者生 傷寒下

脈因證治卷上

十三翠琅玕館校刊

利厥逆躁不得臥者死下利至厥不止者死 傷寒

厥逆六七日不利便發熱而利者生 汗出利不止

者死有陰無陽故也 傷寒五六日不結胸腹濡脈

虛復厥者不可下下之亡血死 熱病不知所痛不

能自收口乾陽熱甚陰頗有寒者死 熱病在腎渴

口乾舌燥黃赤日夜飲水不知腹大脹尚飲目無精

光者死 傷寒下利日十餘行脈反實者死 病者

脇下素有痞而下至於臍旁痛引小腹入陰俠筋爲

臆結者死 結胸證參具而躁者死 直視譫語喘

滿者死 若下利亦死

因房勞辛苦之過腠理開洩少陰不藏觸冒冬時殺厲之氣嚴寒之毒中而卽病曰傷寒不卽病寒毒藏於肌膚之間至春變爲溫至夏變爲熱病皆腎水涸春無以發生故也皆熱不得發洩鬱於內遇感而發雖曰傷寒實爲熱病春病溫疫夏爲熱病及殄洩秋發疢瘧冬生咳嗽皆因感四時不正之氣總名之曰傷寒

證治自外而入內傳經絡

脈因證治卷上

十四翠琅玕館校刊

太陽證頭疼發熱惡寒腰脊痠脈浮而緊無汗謂之傷寒可汗宜麻黃湯 脈緩自汗謂之傷風宜桂枝湯忌利小便重汗下大便

陽明證身熱目疼鼻乾不得臥不惡風寒而自汗尺寸脈俱長宜白虎湯 浮沈按之有力宜大承氣湯胃血也不主汗利忌汗利小便

少陽證往來寒熱胸脇痛而嘔耳聾脈弦宜和解之小柴胡湯 瞻無出入水火之間下犯太陽汗下利

皆不可忌利小便忌汗忌利大便

太陰證腹滿咽乾手足自溫自利不渴時腹痛脈沈
細其藏寒宜四逆湯 脈浮可汗宜桂枝湯又大實
痛可下用詳 忌三法宜三法用詳

少陰證口噤舌乾而渴脈沈實宜大承氣湯 脈沈
細遲者宜用溫之四逆湯 身涼脈沈細而虛宜瀉
心湯 身熱煩燥不寧大小便自利脈浮洪無力按
之全無宜附子瀉心湯 其吐瀉不渴脈浮弱理中
湯主之 渴而脈沈有力而疾宜五苓散 少陰證

脈沈發熱當汗麻黃細辛附子湯 少陰證下利色

脈因證治卷上

圭翠琅玕館校刊

不青當溫色青口燥當下 脈弱忌下乾燥忌汗

厥陰證煩滿而囊縮大小便不通發熱引飲腹滿脈
俱微沈實按之有力當下無力當溫厥陰乃二陰交
盡曰厥陰爲生化之源喜溫而惡清 大抵三陰非
胃實不可下此三陰無傳經止胃實可下也

太陽標本不同 標熱太陽發熱 本寒膀胱惡寒
故宜汗

陽明從中氣 標陽肌熱 本實妄語 標陽故宜

解肌 本實故宜下

少陽 標陽發熱 本火惡寒 前有陽明後有太陰故宜和解

太陰 標陰本濕腹脹滿或噎乾身目黃 從標治則溫從本治宜洩滿下濕

少陰 標陰爪甲青冷 本熱脈沈實口乾渴 標

宜溫本宜下

厥陰 中氣宜溫煩滿囊縮故爲熱宜苦辛下之麻

黃桂枝之輩汗而發之葛根升麻之屬因其輕而揚

之三承氣陷胸之輩引而竭之瀉心十棗之類中滿

脈因證治卷上

去翠琅軒館校刊

泄之在表宜汗在裏宜下在半表半裏宜和表多裏少和而少汗之裏多表少和而微下之在上者吐之

中氣與脈氣微者溫之脈亦同法又當求本 假令

腹痛用桂枝芍藥湯何不用芍藥却於桂內加之

要知從太陽中來故太陽爲本又如結胸麻黃亦然

劉法分病及脈以五臟言之諸在皮者汗之麻黃湯內

加表之在內者下之麻黃細辛附子湯內加下之

此言藏者五臟也可通經入臟物之藏者府也方可

下麻黃湯治外證之外麻黃細辛附子湯治內證之

外

肝脈外證善潔面青善怒脈弦前方加羌活防風三錢

內證滿秘便難淋澀轉筋沈而弦後方加同前

心脈外證面赤口乾善笑脈沈而洪前方加黃芩石膏各三錢

內證煩心心痛掌中熱而噦脈沈後方加同前

肺脈外證面白善嚏悲愁欲哭脈浮而澀前方加薑桂各三錢

脈因證治卷上

七翠琅玕館校刊

內證喘咳洒淅寒熱脈沈後方加生薑桂枝

脾脈外證面黃善噫善思味脈浮而緩前方加白朮漢防己

內證腹脹滿食不消怠惰脈沈後方加同前

腎脈外證面黑善恐脈浮前方加附子生薑

內證泄如注下重脛寒脈沈後方加同前

已前外證皆表之表汗而發之內證者裏之表也瀆形以汗如脈沈復有裏證裏證爲發熱引飲便利赤

澀泄下赤水或秘按之內痛此爲裏證宜速下之依

方加大黃三錢如邪又未盡復加大黃二錢

劉張又相繼論人多勞役飢飽者得之火化火擾治之宜以辛涼比及年少性急勞役豈非火乎遲脈年老人人可以辛溫解之故制雙解散治諸傷寒時氣在表裏皆可服之表裏證有相似藥不可差傷寒表證發熱惡寒而渴獨頭痛身熱目疼鼻乾不得臥乃陽明經病也白虎湯主之雜證裏證亦同但目赤者藏病也脈亦洪大甚則嘔血先有形也乃手太陰肺不足不能管領陽氣亦以枸杞地黃等物治之

脈因證治卷上

六翠琅軒館校刊

補瀉當察虛實假如洪弦相雜洪客也弦主也子能令母實又脈弦無表證是東方實西方虛也又前來者爲實邪依此補瀉餘倣此行之

表汗 通聖散 雙解散

半表半裏 涼膈散 柴胡湯

裏下 右手脈實承氣湯 左手脈實抵當湯不分

浮沈但實可用

血氣俱實主三承氣湯 溫四逆湯眞武湯 解利

五苓散解毒散白虎湯甘露飲梔子湯 發黃茵陳

湯

傷寒得傷寒脈 傷風得傷寒脈 假如太陽證頭

疼身熱自汗惡風脈當緩而反緊是傷風得傷寒脈

也餘以例推之 桂枝麻黃各半湯羌活湯尤妙

吐瓜蒂散 瓜蒂 赤小豆 豆豉湯下一錢

結胸脈浮大者不可下之下之必死 小陷胸湯

半夏 連薑汁 瓜蒌實

大陷胸丸 炒大黃五錢 苦葶炒三錢 芒硝一錢 杏仁十二

箇

脈因證治卷上

十九翠琅玕館校刊

丸如彈子大每服一丸入甘遂末三字蜜半匙水

煎至半溫服

六經餘證

太陽痙汗多熱利誤下變證

陽明煩躁火入於肺煩也火入於腎躁也梔子豆

豉湯宿食加大黃狂譫實熱發斑胃火嘔吐噦

少陽潮熱有平旦日晡之分詳見前

太陰腹痛有部分同雜證治 痞有虛實實便秘厚

朴枳實虛便利白芍

少陰心驚悸是雜證 吐瀉同霍亂證 治咽喉熱

甘草桔梗 寒熱合三方 下利色清下 色不清

溫 渴逆乃陰消陽逆或兼以舌攣語言不正昏冒

咽痛大承氣

厥陰羌活湯

解利傷寒不問何經辨兩感傷寒之例羌活 防風

川芎 炙甘草 芩 各一錢 地黃 二錢 細辛 半錢 白朮

二錢 如身熱加石膏 四錢 腹痛加芍藥 三錢 往來寒熱

加柴胡 一錢 半夏 五錢 心下痞加枳實 一錢 裏證加大黃

脈因證治卷上

三錢 邪去止之

三 王翠琅玕館校刊

治疫 麻黃 一兩 甘草 一兩 石膏 滑石 黃芩

白朮 四兩 煎服表汗

解利 大羌活湯 治兩感傷寒 出李

防風 羌活 獨活 防已 白朮 甘草 炙

黃芩 連 蒼朮 芎 細辛 各三錢 知母 生地

黃 各一兩 白芷陽明加之

雙解散 混解不問風寒 出張李劉皆用

梔子豉湯 出李

消毒飲 治疫癘時毒

苓 連各半兩 翹錢一 陳皮 玄參各二錢 甘草 黍粘

子 板藍根 馬勃各一錢 人參 殭蠶各一錢 桔梗

三升麻七錢 柴胡五錢 薄荷 川芎各五錢 大黃便硬加

之 以水煎服

傷寒中寒說 傷寒為外寒鬱內熱傷寒面慘而不

舒惡寒不惡風 中寒謂寒乘其膚腠不分經絡疎

豁一身無熱可發溫補自安此胃氣之大虛也

風濕不可汗下論 春夏之交病如傷寒自汗肢體

脈因證治卷上 三翠琅玕館校刊

重痛轉側難小便不利此名風濕非傷寒也因陰雨

卑濕或引飲多有此症宜多與五苓散切忌汗下

四證類傷寒 傷寒右寸脈緊盛痞滿

脚氣如傷寒證但病起於脚膝

痰證嘔逆頭痛脈浮而滑痞滿虛煩不惡寒不頭痛

身疼陽毒身重腰脊痛狂言或吐血下利脈浮大數

咽喉痛唾血面赤如錦文五六日可治

陰毒身重背強腹中絞痛咽喉不利毒氣攻心心下

堅嘔逆脣青黑四肢冷脈沈細緊數身如打五六日

可治

陰盛格陽 目赤煩躁不渴或渴不欲水脈七八至
按之不鼓薑附主之

陽盛格陰 身表涼痛四肢冷諸陰證脈沈數而有
力承氣主之

陽厥極深或時鄭聲指甲面色青黑勢困脈附骨按
之有舉之無因陽氣拂鬱不得榮運於四肢以致身
冷先涼膈養陰退陽以待心胸微煖可承氣下之

陰證身靜重語無聲氣難布息目睛不了了鼻中呼
脈因證治卷上 三翠琅玕館校刊

不出吸不入口鼻中氣冷水漿不入口二便不禁面
上惡寒有如刀刺

陽證身動輕語有聲目睛了了鼻中呼吸出入能往
能來口鼻氣熱

傷風氣出粗合口不開面光而不慘惡風不惡寒傷
食口無味液不納息肩

兩感 一日太陽受之卽與少陰俱病頭疼口乾煩

滿而渴者是 二日陽明受之卽與太陰俱病腹滿

身熱不飲食譫語 三日少陽受之卽與厥陰俱病

煩滿囊縮水漿不入口不知人六日死

瘧太陽病發熱無汗反惡寒者名剛瘧無汗爲表實惡寒爲重感名剛瘧

太陽病發熱有汗不惡寒者爲柔瘧表虛傷濕其病身熱足寒頸項強急惡寒時頭熱面赤目脈赤頭搖卒口噤背反張

中濕見前脈其病一身盡黃頭痛汗出欲水而不能飲反欲近火

頭汗乃邪搏諸陽熱不得越津液上滲又見自汗條

脈因證治卷上

三翠琅玕館校刊

下

手足汗有邪聚於胃則便硬有寒則便澹不能食小便不利

煩躁有熱傳於內胸中有熱關前洪數宜解熱

有虛因汗吐下虛協餘熱身不疼脈不緊數宜補之又初解胃弱強食胃脈浮洪

胎皆心經之熱淺深也白而滑乃邪在半表半裏也

白而澀熱在裏也黃而乾熱在胃也黑者宜下噦皆

胃病或寒或妄下之虛

厥手足冷有寒有熱 先熱而後厥者熱伏於內先厥而後熱者陰退陽氣復始得之便厥皆陽不足而陰勝也所主爲寒

譫語四證 傷寒譫語屬陽明經乃胃有熱脈洪大者是宜調胃承氣湯

身不熱身困者謂之鄭聲病退人虛脈和平宜滋補婦人經來適邪氣乘虛入於血海左關脈數者小柴胡湯主之

有邪崇者言語涉邪頗有意味多變與病相違者

脈因證治卷上

三西翠琅玕館校刊

是

氣喘七證 傷寒太陽證下之微喘者內虛外熱故

也宜解其表 飲水過多水停心下胸膈滿而喘者

宜利其小便 病本無喘因藥下之瀉止而喘其色

已脫不治 喘而四逆者不治 喘而噫者不治

喘而魚口者不治 喘而目閉面黑者不治

目證四證 傷寒至目瞪不省人事此中風瘧症以

藥開關吐痰瘧退眼開隨證治之

傷寒病已過經瘧退無熱人困不語脈和目瞪謂之

戴陽下虛故也

陽毒不解熱毒之氣伏於太陽之經故便目睛六脈
弦勁漸作魚口氣粗者死

太陰痰潮上灌七竅兩目睛與小兒驚風之類同下
痰則愈

舌卷唇焦乃心肝熱極三焦精液不生可治舌卷卵
縮厥陰絕也必死

厥逆幽悶三證 陰毒陽冷四肢逆冷心膈幽悶默

默思睡脈沈伏者是

脈因證治卷上

三五翠琅玕館校刊

傷寒起汗下後又戰汗過多人困身冷不動者之陽
也 傷寒未三日身冷額上汗出面赤心煩者非陰
毒證謂之陰盛格陽陰氣并於外陽氣伏於內其脈
沈數也

咽乾二證 少陽證苦口咽乾乃膽熱也小柴胡湯
少陰證口燥咽乾主腎熱津液不生宜下

惡寒三證 發熱惡寒發于陽脈浮數宜麻黃桂枝
汗之無熱惡寒發于陰脈沈細宜四逆溫裏

發汗後反惡寒氣虛也脈微弱補虛芍藥附子甘草

湯主之

惡風三證 汗出而脈緩宜桂枝加葛根湯便遍身潤

太陽病發汗過多亡陽胃虛惡風當溫其經宜桂枝加附子湯

風濕相搏骨節煩痛不得屈伸汗出惡風不欲去衣

宜甘草附子湯

汗後發熱并再傷八證 發汗不入格其病不解宜

再汗之 發汗後再傷風邪而熱宜發汗 再傷風

脈因證治卷上

三六翠琅玕館校刊

寒而熱隨證治之 汗後溫之熱脈弦小而數者有

餘熱也宜和解之 汗後溫之熱脈靜身無痛處虛

熱也宜平補之 汗後溫之熱或渴或煩或胸滿或

腹急有裏證脈沈數宜下之 勞力而再熱平解勞

倦宜柴胡龍甲散 食過而熱者宜消化其食

中暍夏月發熱惡寒小便已洒然毛聳脈弦細而扎

遲宜白虎人參湯忌汗下

中暑背寒面垢手足微冷煩躁引飲四肢不痛脈浮

宜五苓白虎

中溫冬月冒寒至春夏再感乖常之氣

風溫先傷風後傷溫頭疼自汗體重息如喘但默默欲眠尺寸脈俱浮 風溫脈浮證同前條下

溫毒汗吐下表未罷毒邪入臟身有斑脈陽洪數陰實大濕溫先傷濕後中暑

瘟疫眾人一般脈陽虛弱陰弦緊

潮熱陽明申酉時分也胃實宜下寒熱相繼在他時太陽病熱在寅卯 少陽在巳午 汗自出太陽經

自汗營弱衛強也 中風太陽脈緩風溫身重多睡

脈因證治卷上

三毛翠琅玕館校刊

脈浮緩 風濕脈沈而細證同前條下 少陰咽痛

拘急四肢疼厥逆自汗亡陽也

太陽亡陽自汗 柔痙同前痙下

除中者死傷寒六七日脈遲下利而熱合與黃芩湯徹其熱腹中惡冷當不能食今反能食名曰除中脾經受邪則下利而熱合與黃芩邪熱未去而胃氣先去

禁忌厥陰心痛發斑不欲食則吐虵下則利不止

諸四肢厥逆不可下五六日不結胸腹痛滿脈虛復

厥者不可下當下反汗之必口爛

少陰脈沈細數病在裏忌汗微者忌汗尺脈弱濇者不可下之

太陰腹滿吐食不下自利時腹自痛忌下下之胸下結硬脈弱自便利雖用下宜減之

少陽不可汗忌利小便忌利大便犯之各隨上下前後本變及中變諸變例

太陽小便不利不可利之利之邪氣入裏不能解咽乾淋衄小利當汗不可汗在表不可下下之動

脈因證治卷上

三六翠琅玕館校刊

血誤犯之成結胸痞氣汗之成血畜於胸中當汗而下之成協熱利

太陽證一下有八變 脈浮者必結胸 緊者必咽痛 弦者必兩脇拘急 細數者頭疼不止 沈緊者必欲嘔 沈滑者必熱利 浮滑者必下血

陽明不當發汗 發汗成畜血上焦爲衄 不當下下之血畜下焦發狂 有年老患時熱狂妄服附者愈服寒涼者死

足太陽未渴小便清者禁利 咽乾禁汗成畜血禁

下太早 已渴者五苓散 譚語潮熱大渴宜下

足少陽三禁胃實可下 足太陰禁下 足少陰脈

沈口燥咽乾而渴禁汗脈澀而弱禁下 三陰非胃

實不可下

治三焦便有膽少陽經作風治不宜汗下利小便治

心便有腎少陰故本熱標寒故脈沈細按之洪大用

承氣湯酒製繫飲是也

治膀胱便有小腸太陽故本寒標陽故脈緊數按之

不鼓而空虛用薑附寒飲頓服

脈因證治卷上

三五翠琅刊館校刊

治肺便有脾太陰故寒因寒用大黃枳實下之

治陽明純陽大腸喜熱惡清當以熱治寒也絡宜清

當以寒治熱

許學士解利外感

傷風者惡風用防風錢一甘草 麻黃錢一頭痛加川芎

項背腰痛加羌活 身重加蒼朮 肢節痛加羌

活 目痛鼻乾及痛加升麻 或乾嘔或寒熱或脇

下痛加柴胡 傷寒者惡寒用麻黃錢一防風 甘草

錢一 頭沈悶加羌活錢一

凡治傷寒以甘草爲君防風白朮爲佐是寒宜甘發也看他證加減 傷風以防風爲君甘草白朮爲佐是風宜辛散也 其傷寒表證以石膏活石甘草知母葱豉之類汗出卽解 如熱半表半裏與小柴胡汗出而愈 熱甚大柴胡與之更甚小承氣 裏熱甚大承氣 發黃者茵陳蒿湯下之結胸陷胸湯下之

內傷見於右手內傷躁作寒已寒作躁已不相併但有間且晡時必減乃胃氣得令潮作之時精神困倦乃其氣不足

脈因證治卷上

字翠琅珩館校刊

外傷見於左手外傷但無間且晡時必作劇乃邪氣盛潮作之時精神有餘乃邪氣勝
寒邪不能食風邪能食
表虛不作表虛治或勞役於涼處解衣或陰處新浴
表虛爲風寒所遏切不可妄解表

七大頭腫痛

附蝦蟇瘟

因陽明邪熱太甚故資實少陽相火而爲之也濕熱爲腫痛治之視其腫勢在何部分隨結而取之是天行

也

治 芩炒 甘草 大黃煨 黍粘子炒 芒硝 陽明渴加

石膏 少陽渴加瓜蒌根 陽明行經升麻白芍

葛根甘草 太陽行經加羌活防風

蝦蟇廔

因風熱

治解毒丸下之

側柏葉自然汗調蚯蚓糞敷燒灰大炒 車前葉

服 或丁香尖附子尖南星酢磨付皆可五葉藤

脈因證治卷上

三翠琅玕館校刊

汗付亦可

八霍亂

脈微澀或代或伏 脈弦滑者膈有宿食身却不熱為

霍亂大者生 微遲者死 脈洪者熱

因其氣有三 一曰火 二曰風 三曰濕

邪在上焦則吐下焦則瀉中焦則吐而且利吐為噦

熱也瀉為濕也風勝則動故轉筋也或因大渴而大

飲或飢或飽甚傷損胃氣陰陽交爭而不和此為急

病也不死如乾霍亂而不得吐利必死

證其狀心腹卒痛嘔吐下利憎寒發熱頭痛眩暈先心痛則先吐先腹痛則先下心腹俱痛吐利並作甚則轉筋入腹則死不然則吐瀉

乾霍亂者忽然心腹脹滿絞刺痛欲吐不吐欲利不利須臾則死以鹽湯大吐之佳

外有衝惡病同名異

治五苓散 治熱多飲水關上脈洪者熱也宜清之理

中丸 治寒多不飲水身不熱者

半夏湯 治霍亂轉筋吐利不止身痛不止者宜加

脈因證治卷上 三五翠琅玕館校刊

桂枝湯 半夏曲 苓 陳皮 白朮 薄 桂

甘草

和解散 治霍亂 此條內有所積外為邪氣所阻甚

用吐法二陳湯

和解散 川芎 蒼朮 白芷 防風

九癩病

證眾人一般者是

治有三法 宜補 宜散 宜降

大黃 芩 連 參 桔梗 蒼朮 防風

滑石粉 人中黃 香附子

右神曲丸送下隨宜氣虛四君子血虛四物湯痰
二陳湯熱甚童便作湯送下

春夏不服麻黃 秋冬不服桂枝 夏不服青龍

冬不服白虎

十傷暑

脈虛則身熱 或浮自汗自汗者火動而散故也

因夏火太熱損傷肺金元氣其感有二動而得之乃辛
苦之人動而火勝熱傷氣也脈洪而大靜而得之乃

脈因證治卷上

三三翠琅玕館校刊

安樂之人靜而濕勝火勝金位也脈沈而實

證治暑喜歸心入心則噎塞昏不知人入肝則眩暈入
肺則喘滿痿躄入脾則昏睡不覺入腎則消渴病則
怠惰嗜臥四肢不收精神不足兩脚痿弱頭疼惡熱
躁熱大渴引飲大汗因動而中白虎加人參湯主也
頭疼惡寒拘急肢節疼大熱無汗因靜而中大順散
白虎加蒼朮 有陰勝陽之極甚則傳腎肝爲痿厥
清暑益氣湯主之

凡中暈死切忌與冷水涼處須沃以湯宜黃龍圓主

之

心虛傷暑身熱頭痛煩滿而渴五苓散主之 肺虛

傷暑身熱煩悶而喘白虎湯主之 脾虛傷暑則為

痲瘧常山飲主之

黃連香薷湯 治暑 挾痰加半夏 虛加參芪清

暑益氣湯 治暑傷金虛甚

玉龍丸 曾用治暑 油炒半夏薑汁丸

補中益氣湯 治主夏痰滲

二苓湯 治春夏之交病似傷寒自汗體重痛難轉

脈因證治卷上

三國翠琅玕館校刊

側此名中濕

澤瀉一兩滑石二兩茯苓 猪苓 朮半兩

暑風挾火痰實者可用吐法

玉龍丸 治暑泄瀉或二便秘

焰硝 明礬 滑石 硫黃一兩白麩六兩

水丸水下

十一瘧

脈瘧脈自弦弦數多熱弦遲多寒 弦小緊者可下之

弦遲者可溫之 緊數者可汗灸之 浮大者可

吐之 弦數者風發也以飲食消息止之

因夏暑舍於營衛之間腠理不密遇秋之風玄府受之
慘愴之水寒氣閉而不出舍於腸胃之外與營衛並
行晝行於陽夜行於陰併則病作離則病止併於陽
則熱併於陰則寒淺則日作深則間日在氣則早在
血則晏因汗鬱成痰因虛弱陰陽相乘外因從六淫
有寒癰溫癰溫牝 寒則先寒後熱溫則先熱後寒
癰則但熱不寒 濕則身骨節疼牝則寒多不熱

內因有臟氣不和鬱結痰飲所致有肝心脾肺腎之

脈因證治卷上

三五翠琅玕館校刊

說說見後

不內外因疫瘧一歲之內大小相似 鬼瘧夢寐不
詳 癰瘡有乍已 食瘧因飲食得之 勞瘧因
勞得之 母瘧有母傳染者也

李論夏傷於暑秋為瘧瘧暑者季夏濕土濕令不行則
土虧矣所勝妄行木氣太過少陽主也所生者受病
則肺金不足不勝者侮之水勝土之分土者坤坤在
申申為相火水入土則水火相干則陰陽交作肺金
不足洒淅惡寒土虛少陽乘之則為寒熱發於秋者

濕熱則卯酉之分也

證治先寒而熱謂之寒瘧先熱而寒謂之溫瘧治之宜乎中也中者少陽也渴者燥勝也不渴者濕勝也

又有得之于冬而發于暑邪舍于腎足少陰也 有藏之于心內熱畜于肺手太陰也 但熱而不寒謂之癰瘡足陽明也 在大陽經謂之風瘧宜汗之在陽明經謂之熱瘧宜下之少陽經謂之風熱宜和之此傷之淺也 在陰經則不分三經謂之溫瘧宜從太陰經論之此傷之重也

脈因證治卷上

三
天翠琅玕館校刊

大陽經頭痛腰痛寒從背起先寒後熱宜小柴胡羌活地黃湯

少陽經心體解休寒熱不甚惡見人多汗出甚小柴胡湯

陽明經先寒久乃熱熱大汗喜見火乃快宜桂枝二白虎一湯

少陰經嘔吐煩悶熱多寒少欲閉戶而處病難已小柴胡加半夏湯

太陰經好太息不嗜食多寒熱汗出病至喜嘔乃衰

理中湯

厥陰經小腹腰痛小便不利意恐懼四物玄明苦練
附子湯

心瘧煩心甚欲得清水反寒多不甚熱宜桂枝黃芩
湯

肺瘧心寒甚熱聞善驚如有見者桂枝加芍藥湯

肝瘧色蒼蒼然太息其狀若死通脈四逆湯

脾瘧寒則腹痛熱則腸鳴鳴已汗出小建中湯芍藥

甘草湯

脈因證治卷上

三七翠琅玕館校刊

腎瘧腰痛宛轉便難目眴然手足寒桂枝加當歸
芍藥湯

胃瘧將病也善飢不能食能食而肢滿腹脹理中湯
丸主之

勞瘧經年不差後復熱作微勞力不任名曰勞瘧母
瘧百藥不差結成癥癖在腹脇名瘧母

治雖不同瘧得於暑當以汗解或汗不徹鬱而成痰
宜以養胃化痰發汗邪氣得出自然和也虛則補之

脈洪數無力者是也

羌活湯 治邪氣淺在表

羌活 防風 甘草 惡寒有汗加桂枝 惡風

無汗加麻黃 吐加半夏

麻黃桂枝湯 治夜瘧此散血中風寒

麻黃一兩 桂枝二錢 甘草炙三錢 芩五錢 桃仁三十粒 邪氣去皮尖

深而入血故夜以桃仁緩肝散血中邪

桂枝石膏湯 治邪深間日

桂枝五錢 石膏 知母一兩半 芩一兩 汗出不愈為內實

外虛寒熱大作必傳入陰太陽陽明芩芍寒熱傳

脈因證治卷上 三八翠琅玕館校刊

入太陽陽明少陽合病加柴胡半夏人參甘草

藜蘆散 治久瘧欲吐不能吐宜吐之

藜蘆為末溫薑水調下半錢以吐為度

張法 白虎加參湯 小柴胡合五苓散 神祐丸治

之

服前三方未動次與之承氣湯治甚者甘露飲調之

人參柴胡飲子補之常山飲吐之

老瘧丹 治老瘧風暑八陰在臟礙血氣

川芎 桃仁 紅花 當歸 蒼朮 白朮

白芷 黃蘗 甘草

右水煎露一宿次早服之

瘡母丸 治瘡母食瘡

鼈甲酢炙 三稜 莪朮酢炙 香附子 阿魏食積加酢

化

截瘡丸 先補藥表藥徹起 分方可截

川常山 草果 知母 檳榔 烏梅 川山甲

炒甘草炙

用水一大椀煎半椀露一宿臨發時溫服之宜吐

脈因證治卷上

三九翠琅开館校刊

一補一發丹 治久瘡內傷挾外邪內發必主痰外

以汗解

半夏 茯苓 陳皮 柴胡 黃芩 蒼朮 川

常山 葛根 虛加參朮補氣甚加芩連

有一人夏感脈沈細服之愈

常山湯 治婦胎瘡

常山二錢 芩三錢 石膏八錢 烏梅十四箇 甘草一兩

煎服之

不二散 白麩二兩 砒一錢 和勻以香油一斤煎之色黃

用黃紙壓之去油爲末入江茶三兩每服一字

神妙絕瘡

木通

川者

秦艽

去蘆

川山甲

炙

常山

各等

分辰砂

半錢

烏梅

七箇

大棗

七箇

右以水三盞煎至半

入酒一醞再至半先刮砂棗服次服藥

十二疽

脈證 脈沈渴欲飲水小便不利皆發黃脈沈乃陽明

畜熱喜自汗汗出入水熱鬱身腫發熱不渴名黃汗

脈緊數乃失飢發熱大食傷胃食則腹滿名穀疸

數爲熱熱則大食緊爲寒寒則腹滿 脈浮緊乃因

脈因證治卷上

罕翠琅玕館校刊

暴熱浴冷水熱伏胸中身面目悉如金色名黃疸

陽明病脈遲者食難用飽飽則發煩頭眩者必小便

難欲作穀疸 脈沈弦或緊細因飲酒百脈熱當風

入水懊懜心煩足熱名酒疸其脈浮欲嘔者先吐之

沈弦者先下之 脈浮緊乃大熱交接入水腎氣虛

流入於脾額黑日晡熱小腹急足下熱大便黑時溇

名女勞疸腹如水狀不治 脈寸口近掌無脈口鼻

冷不治其病身熱一身盡痛發黃便澀

因內熱入水濕熱內鬱衝發胃氣病雖有五皆濕熱也

治諸黃家但利其小便愈假令脈浮以汗解之如便通汗自當下之愈當以十八日為期治之十日以上為差反劇者難治治法以疏濕利小便清熱或汗之五苓加茵陳連類

茵陳梔子湯

茵陳

一兩去莖

大黃

半兩

山梔

十箇

豆豉煎

湯下

五苓散

熱加苦參

渴加瓜蒌根

便澀加葶藶

素熱加連

茵陳蒿湯

治黃疸寒熱不食食則頭眩心胸不安

脈因證治卷上

聖一翠琅玕館校刊

者是

滑石石膏丸

治女勞瘵

證見題下

滑石

石膏

研末下粥飲便利則止

十三勞

勞極熱勞瘵

脈男子平人脈大為勞極虛為勞浮大為裏虛 男子

脈虛弱細微者善盜汗

男子脈虛沈弦無寒熱短

氣裏急小便不利面色白時目眩喜衄諸孔動微緊

男子失精女子夢交

脈沈小遲名脫氣其人疾行

則喘手足寒腹滿甚則澹洩食不消

脈弦而大大則爲芤弦則爲減女子漏下男子失精
脈微弱而澀爲無子精氣清冷 尺脈弱寸強胃絡
脈傷 安臥脈盛謂之脫血 脈舉之而滑

按之而微看何部以知其藏尺弱滑而澀下虛也尺
滑而澀疾爲血虛 脈數骨肉相失聲散嘔血陽事
不禁晝涼夜熱者死 脈輕手則滑重按則平看
何經而辨其府寸弱而微者上虛也

因喜怒不節起居不時有所勞傷皆傷其氣氣衰則火
旺火旺則乘其脾土而胃氣元氣散解不能滋養百
脈灌注藏府衛護周身百病皆作

脈因證治卷上

四三翠琅玕館校刊

證百節煩疼胸滿氣短心煩不安耳聾鳴眼黑眩寒熱
交作自汗飧泄四肢怠惰者

外有脾痺中風濕痺病傷暑熱不同

治法以甘寒瀉火甘溫補中溫之收之

十全散四物湯治血虛四君子湯治氣虛加升麻補
中益氣湯

牛膝丸 治腎肝損骨痿不能起牀筋緩不能收持

萆薢炒 杜仲炒 菴蓉 酒浸 兔絲 酒浸 牛膝 酒浸 蒺藜

藜治肝各半
等分 桂兩

酒養豬腰子九梧桐子大空心酒下亦治腰痛

腎氣丸 治腎脾不足房室虛損宜此榮養血以益

腎腎苦燥以辛潤之致津液故用川芎酸以收之

故用五味益神方也

蒼朮泔浸一斤熟地一斤五味半斤川薑冬一兩夏半兩秋七錢春亦七錢

右為末用棗肉丸米飲下

地黃煎丸 解勞生肌活血

生地汁 藕汁 杏仁汁 薑汁各五升 薄荷汁鷺

脈因證治卷上

四三翠琅玕館校刊

梨汁 法酒二升沙蜜四兩已上慢火熬成膏入後藥

柴胡三兩秦艽去蘆精梗各二兩熟地黃四兩木香 枳殼

炒 柏子仁炒山藥 茯苓白遠志去心 參 朮各一兩

麝半錢
另研

右為末和煎藥丸如梧桐子大甘草湯下

辛苦勞 柴胡 參 芪 蘗 甘草

牡蠣散 治諸虛不足津液不固自汗出

牡蠣煨取粉麻黃根 芪 或加秦艽柴胡小麥同

煎

麥門冬湯 治大病後虛煩則熱不解不得臥

半夏 竹茹 陳皮 茯苓 麥門冬 參

炙甘草湯 治虛勞不足汗出而悶心悸 脉結

酸棗仁丸 治虛勞煩不得眠者

棗仁炒一兩 參 桂一錢 茯苓三錢 石膏半兩 苓三錢

固精丸 治精滑

牡蠣砂鍋煨酢淬七次酢糊丸梧子大空心鹽酒

送下

參歸散 治骨蒸勞

脈因證治卷上

四四翠琅玕館校刊

知母炒 參炒 秦艽去尖蘆 北柴胡同朮炒 鼈甲麥湯浸七

次前胡各半兩 烏梅三箇 地骨皮 川常山酒浸三日 川歸

同柴胡炒 甘草 白茯苓各七錢半 水煎服

脾虛本經宜四君子肝乘之脇痛口苦往來寒熱而

嘔四肢滿悶淋洩便難轉筋腹痛宜 柴胡 羌活

防風 獨活 川芎 桂 芍藥 白朮 茯苓

猪苓 澤瀉 黃蘗 細辛 滑石 心乘之宜

連 芩 蘗 白芍 地黃 石膏 知母

肺愛病痰嗽短氣懶語嗜卧洒浙寒熱宜補中益氣

湯作涎清涕肩甲腰脊痛冷泄宜乾薑朮附烏蒼朮
桂枝

勞極熱

勞者神不寤也

肝勞實熱關格牢澀閉塞不通毛悴色夭 肝勞虛
寒口苦關節疼痛筋攣縮煩悶

心勞實熱口舌生瘡大便閉塞心滿痛小腸熱 心
勞虛寒驚悸恍惚多忘夢寐驚魘神志不定 脾勞
實熱四肢不和五臟乖戾脹滿肩息氣急不安 脾

脈因證治卷上

四五翠琅刊館校刊

勞虛寒氣脹滿咽食不下通噎宿食臭 肺勞實熱
氣喘鼻脹面目苦腫 肺勞虛寒心腹冷氣氣逆遊
氣胸脇氣滿從脇達背痛嘔逆虛乏 腎勞實熱小
腹脹滿小便赤黃未有餘瀝數小莖中痛陰囊生瘡
腎勞虛寒恐慮失志傷精噓吸短氣遺洩白濁小
便赤黃陰下濕痒腰脊如折顏色枯悴

盡力謀慮則傷肝 曲運神機則心勞 意外致思
則脾勞 預事而憂則肺勞 矜持志節則腎勞
極者窮極無所養也

筋實疼而兩脇下痛不可轉動脚下滿不得遠行脚
心痛不可忍手足爪甲青黑四肢筋急煩滿 筋虛
好悲思肢噓吸脚手俱攣伸動縮急腹內轉痛十指
甲疼轉筋甚則舌卷卵縮唇青面色蒼白不得飲食
脈實氣衰血焦髮落好怒唇舌赫甚則言語不快
色不澤飲食不爲肌膚 脈虛則欬欬則心痛喉
中介介如梗甚則咽垂

肉實肌痺淫淫如鼠走津液開腠理脫汗大洩或不
仁四肢急痛或腹緩弱唇口壞皮膚變色 肉虛體

脈因證治卷上

四六翠琅玕館校刊

重怠惰四肢不欲舉關節痛疼不嗜飲食飲食則欬
欬則脇下痛陰引背及肩不可轉動

氣實喘息衝胸常欲自恚心腹滿痛內外有熱煩嘔
不安甚則嘔血氣短乏不欲食口燥咽乾 氣虛皮
毛焦津液不通力乏腹脹甚則喘息氣短息塞晝差
夜甚

精實目視不明齒焦髮落形衰通身虛熱甚則胸中
痛痛煩悶洩精 精虛庭羸驚悸夢洩遺瀝小便白
濁甚則莖弱核徹小腹裏急

骨實熱耳鳴面色焦枯隱曲膀胱不通牙腦苦痛手足酸疼大小便閉 骨虛面腫垢黑脊痛不能久立氣衰髮落齒稿腰背相引痛甚則喜唾不了

煩熱

內熱曰煩 外熱曰熱

身不覺熱頭目昏痛口乾咽燥不渴清清不寐皆虛煩也平人自汗小便頻併遺洩白濁皆憂煩過度

大病虛後煩悶謂之心虛煩悶

古今錄驗五蒸湯 治五蒸病

脈因證治卷上

四七 翠琅玕館校刊

甘草一兩 參 知母 黃芩各二兩 苓 熟地 葛

根各三兩 竹葉二把 石膏五兩 粳米二合

右咬咀以水九升煮取二升半分爲三服亦可以

先煎小麥水乃煎藥忌海藻菘菜蕪夷大酢貫熱

黃芩 黃蘗 連 大黃 虛熱氣也 烏梅

秦艽 柴胡血也 青蒿 蛤蚧 鼈甲 小麥

丹皮

肺鼻 烏梅 天冬 麥冬 紫菀 皮舌白 桑白

皮 石膏 膚昏昧 牡丹皮 氣遍身虛熱 參

喘促鼻乾

黃芩 梔子 大腸鼻右孔 大黃 芒硝 脈白唾

浪語脈絡溢脈緩急不調 生地黃 當歸

心舌 乾 生地 黃連 血髮 地黃 歸 桂心 童

便 小腸下脣 赤茯苓 木通 生地

脾脣 焦 芍藥 木瓜 苦參 肉食無味而嘔煩燥甚不安 白芍

藥 胃舌下 石膏 粳米 大黃 芒硝 葛根

肝黑 川芎 歸 前胡 筋甲 川芎 歸 膽眼

失色 柴胡 栝藹 三焦乍寒 石膏 竹葉

腎兩耳 焦 生地 石膏 知母 寒水石 腦頭眩

脈因證治卷上

四六翠琅玕館校刊

地黃 防風 羌活 髓髓沸骨中骨熱 天冬 當歸

地黃 骨齒黑腰痛足逆 鼈甲 地骨皮 牡丹皮 歸

生地黃 肉肢細膚腫府藏俱熱 石膏 黃柏 胞小便赤黃

澤瀉 茯苓 滑石 生地 沈香 膀胱左耳

苓 滑石 瀉

外有胸中煩熱肝中寒 煩悶肝中風酒疸中暑中

風濕

心痺脾痺肝虛寒精實

五心煩熱小腸熱心虛熱

足下熱酒疸女勞疸 日晡熱如疸

勞瘵

因脈虛 痰與血病

證其病俗名傳尸雖多種不同其病與前人相似大畧
令人寒熱盜汗夢與鬼交遺泄白濁髮乾而聳或腹
中有塊或腦後兩邊有小核數箇或聚或散沉沉默
默咳嗽痰涎或咯膿血如肺痿肺癰狀或腹下利羸
瘦困乏不自勝持雖不同證其根多有虫嚙心肺一
也

脈因證治卷上

四九 翠琅玕館校刊

治

青蒿

一斗半

童便

三斗

文武熬至七分去蒿再熬至

一升入猪膽汁七箇辰砂柝榔末再熬數沸以甘
草末收之

治虛勞痰 四物湯竹瀝薑汁便或加參朮

三拗湯 治傳尸勞瘵寒熱交攻久嗽咯血羸瘦先

服此方後服蓮心散萬無一失

麻黃 生甘草 杏仁不去皮尖炙薑棗煎服痰

清則止

蓮心散 歸 芪 甘草炙 鼈甲炙 前胡 柴胡

獨活 羌活 防風 防己 茯苓 半夏 芩

陳皮 官桂 阿膠 赤芍 麻黃去節 杏仁

蓮心去心 天南星 川芎 芫花酢炒 枳殼炒 除

芫花每服二錢半水二盞半薑三片棗一枚入芫

花一抄煎至八分服須吐有異物漸減芫花及甘

殺蟲少之

調鼎方 治傳口勞神效

混沌皮一具酢浸一宿焙乾 灸鼈甲 桔梗 芍藥 胡黃

連 製大黃 甘草 鼓心 苦參 貝母 秋

脈因證治卷上 五十一翠琅玕館校刊

石另研 草龍膽 知母 黃蘗蜜炙 芒硝 犀角一錢

蓬朮一箇 右煉蜜為丸溫酒下二十九腸熱食前服

熱食後一月平安

白蠟塵 治瘵

十四熱

脈浮大而虛為虛 脈細而實為實 脈沈細或數者

皆死病熱有火者心脈洪是也無火者死細沈是也

脈弱四肢厥不欲見人食不入利下不止死

因因心火為之心者君火也火旺則金燬水虧為火獨

